



Broj: 02/1-50-1-22-35/09

Dana, 14.4.2009.godine

Z A P I S N I K

sa 35. sjednice Ustavnopravne komisije Doma naroda Parlamentarne skupštine BiH održane 14.4.2009. godine. Sjednica je održana 14.4.2009. godine sa početkom u 10 sati.

Sjednici su prisustvovali članovi Komisije:

1. Ivo Miro Jović,
2. Slobodan Šaraba,
3. dr Hilmo Neimarlija,
4. Sulejman Tihić,
5. Zoran Koprivica,
6. Rudo Vidović.

Sjednici je prisustvovao i sekretar Komisije, dr. Zijad Hasić.

Od gostiju, sjednici Komisije prisustvovali su: Amela Bašić i Ljubomir Kuravica, šefovi odsjeka Ministarstva sigurnosti BiH; Biljana Čamur, pomoćnica ministra civilnih poslova BiH; Bisić Mustafa, Jugoslav Jalovoć i Aleksandar Tomić, iz Ministarstva pravde BiH; Dragica Miletić, pravobraniteljica BiH; Salko Polimac, iz Ministarstva odbrane BiH; Mediha Delalić, sektor za odnose s javnošću PS BiH; Vesna Mrković, pravni savjetnik OHR-a; Mario Nenadić i Drago Borovčanin iz Ministarstva za ljudska prava i izbjeglice BiH; Rade Badnjar, Ministarstvo pravde BiH.

Na početku sjednice, vođena je rasprava o tačkama dnevnog reda, tako da je skinuta s dnevnog reda tačka: Prijedlog zakona o izmjenama i dopunama Zakona o službi u oružanim snagama Bosne i Hercegovine, predlagača Vijeća ministara BiH.

Na prijedlog predsjedavajućeg Komisije, **Ive Mire Jovića**, članovi Komisije, usvojili su slijedeći:

D N E V N I R E D

1. Verificiranje Zapisnika 34. sjednice Komisije;
2. Realiziranje ranije donesenih zaključaka;
3. Prijedlog zakona o izmjenama i dopunama Zakona o Agenciji za rad i zapošljavanje; predlagač Vijeće ministara BiH; (osnovni zakonodavni postupak: Postupak u nadležnoj komisiji čl. 102.-107. Poslovnika);
4. Prijedlog zakona o izmjenama i dopunama Zakona Bosne i Hercegovine o izvršenju krivičnih sankcija, pritvora i drugih mjera; predlagač Vijeće ministara BiH; (osnovni zakonodavni postupak: Postupak u nadležnoj komisiji čl. 102.-107. Poslovnika);
5. Prijedlog okvirnog zakona o osnovama naučno-istraživačke djelatnosti i koordinaciji unutarnje i međunarodne naučno-istraživačke saradnje Bosne i Hercegovine; predlagač Vijeće ministara BiH; (usaglašenost s Ustavom i pravnim sistemom: Prva faza u nadležnoj komisiji: čl. 97. i 98. Poslovnika);
6. Prijedlog zakona o izmjenama i dopunama Zakona o Državnoj agenciji za istrage i zaštitu; predlagač Vijeće ministara BiH; (usaglašenost s Ustavom i pravnim sistemom: član. 97. Poslovnika);
7. Prijedlog zakona o izmjenama i dopunama Zakona o Graničnoj policiji Bosne i Hercegovine; predlagač Vijeće ministara BiH; (usaglašenost s Ustavom i pravnim sistemom: član. 97. Poslovnika);
8. Izvještaj o radu Vijeća ministara BiH (razmatranje izvještaja u skladu s članom 26. stav (2) Poslovnika);
9. Realizacija zaključka s 3. sjednice u vezi obrazovanja Fonda za pravilnu nadoknadu imovine;
10. Realizacija zaključka s 3. sjednice u vezi oslobađanja poreza zaposlenih građana BiH u međunarodnim institucijama;
11. Informacija o stanju i statusu imovine države, preduzeća i građana Bosne i Hercegovine; podnosilac Pravobranilaštvo Bosne i Hercegovine; (razmatranje izvještaja u skladu s članom 26. stav (2) Poslovnika);
12. Realizacija Orijentacionog radnog plana za 2009. godinu:
 - a. Posjeta Bundesratu u SR Njemačkoj;
 - b. Venecijanska komisija.
13. Ostala pitanja

Ad. 1. Verificiranje Zapisnika 34. sjednice Komisije

Ivo Miro Jović, predsjedavajući Komisije, predložio je diskusiju o ovoj tački Dnevnog reda.

Nije bilo diskusije o Zapisniku s 34. sjednice.

Nakon toga, Komisija je jednoglasno usvojilo Zapisnik 34. sjednice.

Ad. 2. Realiziranje ranije donesenih zaključaka

U uvodu za ovu tačku dnevnog reda, **Ivo Miro Jović**, predsjedavajući Komisije, predložio je da sekretar Komisije, po običaju, prezentira stanje zaključaka i njihove realizacije.

Sekretar Komisije, **dr Zijad Hasić** je upoznao članove Komisije o stanju zaključaka, konstatirajući da je dana 7.4.2009. godine članovima Komisije dostavio pismeni pregled zaključaka i njihove dosadašnje realizacije. Dajući kratak osvrt na usvojene zaključke, istakao je, da su zaključci koji se odnose na Aneks VII i zaključak koji se odnosi na zapošljavanje domaćih državljana u međunarodnim organizacijama, ponovno aktualizirani.

U pogledu zaključka koje je Komisija usvojila u vezi Prijedloga Zakona o advokaturi BiH, sekretar Komisije upoznao je članove da je Kolegij Doma naroda usvojio prijedlog Komisije da se odgodi rok za izjašnjavanje o Prijedlogu ovog zakona dok ne budu stečeni uvjeti za njegovo razmatranje.

Istakao je, da će zaključak kojim je utvrđeno da Pravobranilaštvo BiH dostavi naknadni izvještaj o imovini BiH koja se nalazi u inozemstvu i mjerama koje su preduzete u vezi zaštite imovine, biti predmet rasprave u tački 11. dnevnog reda ove sjednice.

U pogledu rješavanja predmeta autentičnih tumačenja, predsjedavajući Komisije **Ivo Miro Jović** konstatirao je da će početkom narednog mjeseca biti organizirana zajednička sjednica ustavnopravnih komisija oba doma Parlamentarne skupštine, na kojoj će se pristupiti njihovom razmatranju i rješavanju.

Nakon toga, članovi Ustavnopravne komisije Doma naroda Parlamentarne skupštine Bosne i Hercegovine primili su k znanju prezentaciju zaključaka.

Ad. 3. Prijedlog zakona o izmjenama i dopunama Zakona o Agenciji za rad i zapošljavanje; predlađač Vijeće ministara BiH

U uvodu za ovu tačku dnevnog reda, **Ivo Miro Jović** je ukazao na slijedeće:

Predlađač Vijeće ministara Bosne i Hercegovine dostavilo je, 7.1.2009. godine, Domu naroda Parlamentarne skupštine BiH Prijedlog zakona o izmjenama i dopunama Zakona o Agenciji za rad i zapošljavanje BiH, radi razmatranja i usvajanja. Ustavnopravna komisija Doma naroda Parlamentarne skupštine BiH, na 31. sjednici, održanoj 16.2.2009. godine, razmatrala je Prijedlog zakona o izmjenama i dopunama Zakona o Agenciji za rad i zapošljavanje BiH, predlažača Vijeća ministara Bosne i Hercegovine. Tada, nakon provedene rasprave Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila slijedeće:

1. Postoji valjan ustavnopravni osnov za donošenje Zakona o izmjenama i dopunama Zakona o Agenciji za rad i zapošljavanje BiH;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Komisija je, zatim, jednoglasno podržala načela predloženog Zakona.

Dom naroda Parlamentarne skupštine Bosne i Hercegovine je na 25. sjednici održanoj 26.2.2009. godine, usvojio Prijedlog zakona o izmjenama i dopunama Zakona o Agenciji za rad i zapošljavanje BiH, u prvom čitanju.

Predsjedavajući je konstatirao, da su delegati Zoran Koprivica i Hazim Rančić, uložili amandmane na prijedlog ovog zakona.

Zoran Koprivica je istakao da je dana 7.4.2009. godine povukao ranije, a uložio pet novih amandmana, istovjetnih s amandmanima usvojenim na sjednici Predstavničkog doma, te je predložio članovima da predložene amandmane usvoje u cjelosti.

Konstatirajući da drugi predlađač amandmana, Hazim Rančić nije prisutan sjednici Komisije, predsjedavajući je pozvao predlažača zakona da se izjasni o prihvatljivosti uložених amandmana.

Predlađač je istakao da su neki od uložених amandmana u cjelosti prihvatljivi, a neki uz određene izmjene i korekcije. Tako je Amandman I, predlažača Hazima Rančića prihvatljiv u cjelosti, dok je amandman II prihvatljiv samo u nekim tačkama.

U raspravi koja je uslijedila, učesnici su uzeli i Sredoje Nović, ministar Ministarstva civilnih poslova BiH, Zoran Koprivica i drugi članovi Komisije.

Nakon provedene rasprave, Ivo Miro Jović je konstatirao da, zbog nedolaska podnositelja mandmana Hazima Rančića, te iz razloga neusaglašenosti teksta amandmana koji su uložili Zoran Koprivica i Hazim Rančić, neophodna njihova međusobna konsultacija, kao i konsultacija s predlažačem, poje predstavlja Ministarstvo civilnih poslova. Zatim je predložio da Komisija odloži izjašnjavanje o uložених amandmanima za narednu sjednicu, kada će Prijedlog zakona biti ponovno razmatran.

Nakon kraće rasprave, Komisija je jednoglasno prihvala ovaj prijedlog predsjedavajućeg Komisije.

Ad 4. Prijedlog zakona o izmjenama i dopunama Zakona Bosne i Hercegovine o izvršenju krivičnih sankcija, pritvora i drugih mjera; predlađač Vijeće ministara BiH

U vezi ove tačke, predsjedavajući Komisije **Ivo Miro Jović**, istakao je sljedeće:

Predlađač Vijeće ministara Bosne i Hercegovine dostavilo je, 12.1.2009. godine, Domu naroda Parlamentarne skupštine BiH Prijedlog zakona o izmjenama i dopunama Zakona BiH o izvršenju krivičnih sankcija, pritvora i drugih mjera, radi razmatranja i usvajanja. Ustavnopravna komisija Doma naroda Parlamentarne skupštine BiH, na 31. sjednici, održanoj 16.2.2009. godine, razmatrala je, Prijedlog zakona o izmjenama i dopunama Zakona BiH o izvršenju krivičnih sankcija, pritvora i drugih mjera; predlađača Vijeća ministara Bosne i Hercegovine u prvom čitanju.

Nakon provedene rasprave Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila sljedeće:

1. Postoji valjan ustavnopravni osnov za donošenje Zakona BiH o izmjenama i dopunama Zakona o izvršenju krivičnih sankcija pritvora i drugih mjera;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Komisija je, zatim, jednoglasno podržala principe predloženog Zakona.

Zatim, Ivo Miro Jović je posjetio da je Zoran Koprivica uložio dva amandmana na prijedlog ovog zakona. Predložio je raspravu o prijedlogu zakona i predloženim amandmanima.

Zoran Koprivica je kratko obrazložio svoje amandmane, ističući da oni poboljšavaju tekst Prijedloga zakona, a u cijelosti odgovaraju usvojenim amandmanima na Predstavničkom domu Parlamentarne skupštine BiH.

Nakon provedene rasprave, Ustavnopravna komisija Doma naroda Parlamentarne skupštine Bosne i Hercegovine, jednoglasno (za Amandman I) i većinom glasova (za Amandman II - s pet glasova „za“ i jednim glasom „suzdržan“) usvojila je sljedeće amandmane:

Amandman I

U članu 13. u novom članu 100a, u stavu (2), riječi: „sud koji vodi krivični postupak“ mijenjaju se riječima: “Sud Bosne i Hercegovine ili drugi sud u Bosni i Hercegovini kad je na njega Sud Bosne i Hercegovine prenio vođenje postupka.”

Amandman II

U članu 22. u novom članu 168a, u stavu (3) na kraju teksta umjesto tačke dodaju se zarez i riječi: „po prethodnoj suglasnosti ministarstva pravde tog entiteta.”

Nakon provedene rasprave Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila sljedeće:

1. Ustavnopravna komisija jednoglasno prihvata tekst Prijedloga Zakona o izmjenama i dopunama Zakona Bosne i Hercegovine izvršenju krivičnih sankcija, pritvora i drugih mjera, s usvojenim amandmanima, te predlaže Domu naroda da usvoji Zakon;
2. Ustavnopravna komisija predlaže Domu naroda da usvoji sljedeći zaključak:

„Zadužuje se Ustavnopravna komisija Doma naroda Parlamentarne skupštine Bosne i Hercegovine, da nakon objavljivanja Zakona o izmjenama i dopunama Zakona BiH o izvršenju krivičnih sankcija, pritvora i drugih mjera u „Službenom glasniku BiH“, u najkraćem roku, pripremi prečišćeni tekst Zakona BiH o izvršenju krivičnih sankcija, pritvora i drugih mjera, radi otklanjanja svake sumnje u njegovu primjenu“.

Ad 5. Prijedlog okvirnog zakona o osnovama naučno-istraživačke djelatnosti i koordinaciji unutarnje i međunarodne naučno-istraživačke saradnje Bosne i Hercegovine; predlađač Vijeće ministara BiH

Govoreći o ovoj tački dnevnog reda, **Ivo Miro Jović**, predsjedavajući Komisije, ukazao je na sljedeće: Predlađač Vijeće ministara Bosne i Hercegovine dostavio je 9.3.2009. godine, Domu naroda Parlamentarne skupštine BiH Prijedlog okvirnog zakona o osnovama naučno-istraživačke djelatnosti i koordinaciji unutarnje i međunarodne naučno-istraživačke suradnje Bosne i Hercegovine, radi razmatranja i usvajanja.

Predložio je diskusiju o Prijedlogu zakona.

Nije bilo rasprave o prijedlogu ovog zakona

Nakon toga, Ustavnopravna komisija Doma naroda Parlamentarne skupštine Bosne i Hercegovine je s pet glasova „za“ i jednim glasom „suzdržan“, utvrdila sljedeće:

1. Postoji valjan ustavnopravni osnov za donošenje Okvirnog zakona o osnovama naučno-istraživačke djelatnosti i koordinaciji unutarnje i međunarodne naučno-istraživačke saradnje Bosne i Hercegovine;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Komisija je zatim s pet glasova „za“ i jednim „suzdržan“ usvojila principe predloženog zakona.

Ad 6. Prijedlog zakona o izmjenama i dopunama Zakona o Državnoj agenciji za istrage i zaštitu; predlagač Vijeće ministara BiH

U uvodu za ovu tačku dnevnog reda, **Ivo Miro Jović**, predsjedavajući Komisije, ukazao je na slijedeće: Predlagač Vijeće ministara Bosne i Hercegovine dostavio je 4.3.2009. godine, Domu naroda Parlamentarne skupštine BiH Prijedlog zakona o izmjenama i dopunama Zakona o državnoj agenciji za istrage i zaštitu, radi razmatranja i usvajanja. Predložio je diskusiju o Prijedlogu zakona.

Nije bilo rasprave o prijedlogu ovog zakona.

Nakon toga, Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila slijedeće:

1. Postoji valjan ustavnopravni osnov za donošenje zakona o izmjenama i dopunama Zakona o državnoj agenciji za istrage i zaštitu;
2. Ponuđeni tekst zakona je usuglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Ad. 7. Prijedlog zakona o izmjenama i dopunama Zakona o Graničnoj policiji Bosne i Hercegovine; predlagač Vijeće ministara BiH;

U vezi ove tačke dnevnog reda, **Ivo Miro Jović**, predsjedavajući Komisije, ukazao je na slijedeće: Predlagač Vijeće ministara Bosne i Hercegovine dostavio je 4.3.2009. godine, Domu naroda Parlamentarne skupštine BiH Prijedlog zakona o izmjenama i dopunama Zakona o Graničnoj policiji Bosne i Hercegovine, radi razmatranja i usvajanja.

Predložio je diskusiju o Prijedlogu zakona.

Nije bilo rasprave o prijedlogu ovog zakona

Nakon toga, Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila slijedeće:

1. Postoji valjan ustavnopravni osnov za donošenje Zakona o izmjenama i dopunama Zakona o Graničnoj policiji Bosne i Hercegovine;
2. Ponuđeni tekst zakona je usuglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru

Ad. 8. Izvještaj o radu Vijeća ministara BiH

Predsjedavajući Komisije je konstatirao da je Parlamentarna skupština Bosne i Hercegovine, dana 12.2.2009. godine primila Izvještaj o radu Vijeća ministara BiH za 2008. godinu., ističući da predstavlja jedan zbirni izvještaj o radu svih ministarstava, te da je veoma opširan i nepregledan. Smatra, da je nemoguće razmatrati njegov detaljan sadržaj i pojedinačnu problematiku rada svih ministarstava koja su navedena u ovom izvješću. Stoga predlaže da se ovaj materijal detaljnije raspravi na sjednici Doma naroda, na kojoj bi trebali biti prisutni predstavnici svih ministarstava, čiji rad je predmet razmatranja u ovom izvješću.

Hilmo Neimarlija je predložio članovima da se o izvješću ne izjašnjavaju na ovoj sjednici, iz razloga što ponovno nije prisutan uredno pozvani predstavnik Vijeća ministara BiH.

Sulejman Tihić je istakao da ovakav zbirni izvještaj o radu svih ministarstava nije adekvatan za izjašnjavanje, te smatra potrebnim da Komisija izvještaj primi „k znanju“, uz zaključak da Vijeće ministara BiH pripremi i dostavi Komisiji dopunu informacija u jednom sažetijem obliku, u kom bi jasnije i konkretnije bila navedena problematika rada Vijeća ministara, odnosno pojedinih ministarstava.

Slobodan Šaraba je istakao da ima negativno mišljenje u pogledu izvještaja, iz razloga što je nepregledno i iz kojeg nije moguće pronaći odgovore na mnoga pitanja o radu Vijeća ministara. Smatra da je potrebno zatražiti od Vijeća ministara BiH da dostavi jedan presjek izvještaja o radu, sa jasnijim i sažetijim pregledom rada ministarstava, i njihovom aktualnom problematikom. Stoga, predlaže članovima da usvoje negativan stav prema ovom izvješću.

Nakon rasprave, Komisija je jednoglasno odlučila slijedeće:

- Ustavnopravna komisija prima k znanju Izvještaj, te predlaže da Dom naroda razmotri, provede diskusiju i očituje se o Izvješću,
- Ustavnopravna komisija je donijela sljedeći **zaljučak**:
 - o **Komisija smatra da Izvještaj predstavlja zbir izvještaja ministarstava koja participiraju u Vijeću ministara BiH. Na taj način u prvi plan su postavljeni problemi ministarstava, a zanemarena krupna pitanja u Bosni i Hercegovini koja rješava Vijeće ministara BiH. Komisija je nezadovoljna što predstavnik Vijeća ministara BiH, nije prisustvovao sjednicama, iako je dva puta, na dvije sjednice, službeno pozivan u vezi Izvješća, te predlaže da svakako, prisustvuje sjednici Doma kad se bude razmatrao ovaj Izvještaj. Ustavnopravna komisija tarži od Vijeća ministara BiH da za sjednicu Doma naroda, pripremi presjek stanja o aktivnosti u 2008. godini, u kome će biti sublimiran rad Vijeća ministara BiH, problemi na koje nailaze u radu, kao i realizacija ranijeg plana rada Vijeća ministara, s refleksijom na budućnost.**

Ad. 9. Realizacija zaključka s 3. sjednice u vezi obrazovanja Fonda za pravilnu nadoknadu imovine

U vezi ove tačke dnevnog reda, **Ivo Miro Jović**, predsjedavajući Komisije, ukazao je na slijedeće: Komisija je na 33. Sjenici održanoj 13.3.2009. razmatrala ovaj zaključak, s posebnim aspektom na pitanje osnivanja Fonda za naknadu imovine raseljenim i izbjeglim licima. Komisija je, zatim, predložila da Ministarstvo za ljudska prava i izbjeglice BiH pripremi i sačini konkretne pokazatelje koji se tiču ove problematike, što su njihovi predstavnici prihvatili.

Na 35. Sjednici **Mario Nenadić** i **Drago Borovčanin**, predstavnici Ministarstva za ljudska prava i izbjeglice BiH, su istakli da je sačinjena inicijativa, u vezi revidirane strategije Bosne i Hercegovine za provođenje Aneksa VII Dejtonskog sporazuma, koja regulira ovu problematiku. Oni su, također, informirali Komisiju, da će se danas održati sjednica Komisije za ljudska prava, gdje će dodatno biti razmatrana još neka od važnih pitanja koja se tiču načina realizacije ovog pitanja, te da bi bilo dobro da Komisija odloži svoje izjašnjavanje kako bi mogla uzeti u razmatranje zaključke, koji budu doneseni na toj sjednici.

Ivo Miro Jović, predsjedavajući Komisije je, također, podsjetio članove, da je na 33. sjednici Komisije, predstavnica Centralne banke BiH konstatovala da je pri Centralnoj banci BiH moguće osnovati Fond pod savjetodavnom ulogom Centralne banke BiH u njegovom radu, a kojim bi upravljalo Ministarstvo za ljudska prava i izbjeglice BiH.

Hilmo Neimarlija je izrazio zadovoljstvo razmatranjem problematike, te predložio da se Komisija o ovoj tački ne izjašnjava danas, već na nekoj narednoj sjednici.

Nakon rasprave, Komisija je jednoglasno podržalo prijedlog Hilme Neimarlije, te je odlučilo da se o ovoj tački izjasni na nekoj narednoj sjednici Komisije.

Ad. 10. Realizacija zaključka s 3. sjednice u svezi oslobađanja poreza zaposlenih građana BiH u međunarodnim institucijama

Zoran Perković, predstavnik Ministarstva vanjskih poslova BiH, obrazložio je problematiku statusa zaposlenog stanovništva u međunarodnim organizacijama i institucijama, onako kako to Ministarstvo vanjskih poslova promatra. Ovo ministarstvo je zaključilo brojne memorandume s stranim organizacijama i institucijama, koja imaju odraza na ostvarivanja plaćanja doprinosa za socijalno i mirovinsko osiguranje zaposlenih državljana BiH, koji rade u međunarodnim organizacijama. Konstatovao je da veliki broj međunarodnih organizacija ima potpisan memorandum sa državom Bosnom i Hercegovinom u pogledu oslobađanja plaćanja obaveza za njihovo osoblje. Također, istakao je da bi eventualnim uvođenjem plaćanja tih obaveza međunarodnim organizacijama i institucijama, moglo doći do otpuštanja određenog broja zaposlenih.

Sulejman Tihijć je istakao da zaposleni u međunarodnim organizacijama ne mogu biti izuzeti od obaveze plaćanja doprinosa za zdravstveno i penziono osiguranje, te da je neophodno donijeti mjere kojim bi se reguliralo ovo pitanje, odnosno kojim bi važio jednak režim plaćanja obaveza na teritoriji Bosne i Hercegovine.

Slobodan Šaraba je konstatirao da, bez obzira na memorandume koje su međunarodne organizacije potpisale sa Bosnom i Hercegovinom, a kojim su bile oslobođene plaćanja obaveza za njihove zaposlenike, neophodno je izvršiti određenu reviziju takvih dokumenata, jer su oni zaključeni u poslijeratnom periodu i u sasvim drugačijim okolnostima u kojima se država Bosna i Hercegovina tada nalazila. Sada su sasvim drugačija vremena.

Vesna Mrković, pravna savjetnica OHR-a, je istakla da OHR plaća obaveze za svoje uposlenike.

Hilmo Neimarlija smatra da je potrebno poštovati zakon i primijeniti ga na sve, te izvršiti reviziju potpisanih memoranduma, ukloniti sumnje u eventualno postojanje međunarodnih organizacija koje nemaju potpisan memorandum s BiH, a ne plaćaju obaveze. Na taj način treba ukloniti „rad na crno“.

Nakon diskusije, Komisija je zaključila da svako, ko je uključen u ovu aktivnost, nastavi s svojim aktivnostima i djelovanjima, a Komisija neka ovu tačku ponovo stavi na dnevni red nakon uizvjesnog vremena, kada nastanu nove okolnosti, nakon potpunog istraživanja ovog predmeta.

Ad. 11. Informacija o stanju i statusu imovine države, preduzeća i građana Bosne i Hercegovine; podnosioc Pravobranilaštvo Bosne i Hercegovine

U vezi ove tačke dnevnog reda, **Ivo Miro Jović**, predsjedavajući Komisije, ukazao je da je Komisija, na 33. sjenici održanoj 13.3.2009. razmatralo i usvojilo izvještaj o radu Pravobranilaštva BiH za 2008. godinu. Komisija je, također, usvojila zaključak da Pravobranilaštvo BiH dostavi informacije o mjerama i aktivnostima, koje je poduzelo u cilju zaštite imovine BiH, koja se nalazi u inozemstvu.

Dragica Miletić, pravobraniteljica BiH je istakla da je podnijela Komisiji Izvještaj o dodatnim informacijama imovine BiH koja se nalazi u inozemstvu. Također, konstatirala je da Pravobraniteljstvo BiH ne zastupa imovinske interese privatnih poduzeća, nego samo imovinu države Bosne i Hercegovine.

Komisija je zatim jednoglasno usvojila zaključak da materijal koji je dostavljen Komisiji, bude sastavni dio Izvještaja o radu Pravobranilaštva BiH za 2008. godinu.

Ad. 12. Realizacija Orijentacijskog radnog plana za 2009. godinu:

- a. Posjeta Bundesratu u SR Njemačkoj;
- b. Venecijanska komisija

U vezi ove tačke dnevnog reda, **Ivo Miro Jović**, predsjedavajući Komisije je predložio da sekretar Komisije, da uvodne napomene za pitanje Realizacije Orijentacionog radnog plana.

Sekretar Komisije je istakao da je delegacija Komisije bila od 1.4. do 4.4.2009. godine u zvaničnoj posjeti Bundesratu u SR Njemačkoj. Izvještaj o ovoj aktivnosti je sačinjen, te će biti prezentirano na narednoj sjednici Komisije.

Što se tiče tačke koja se odnosi na Venecijansku komisiju, sekretar je istakao da je našim Operativnim planom rada za 2009. godinu planirano, da delegacija Ustavnopravne komisije izpuni obavezu iz Plana i posjeti Venecijansku Komisiju.

Nakon toga, uslijedila je diskusija, a zatim, Komisija je donijela zaključak:

Komisija upućuje dopis Klegiju Doma naroda Parlamentarne skupštine BiH u kojem podsjeća da je Orijentacionim planom za 2009. godinu planirala posjetu Venecijanskoj komisiji za septembar 2009. godine. Komisija traži saglasnost od Klegija da odobri delegaciji Komisije realizaciju ove posjete, koja bi, zajedno s putovanjem iznosila najviše četiri dana. Cilj posjete delegacije je neposredno upoznavanje s radom Venecijanskog povjerenstva, te razmjena mišljenja o osnovnim pravnim problemima pravnog sistema Bosne i Hercegovine. Sastav delegacije, uz uvažavanje trenutka u kome živimo i kriterija za izbor delegacija, bio bi naknadno utvrđen na Komisiji.

Ad.5. Ostala pitanja

U vezi ostalih pitanja, nije bilo diskusija.

Nakon toga, Komisija je završila svoju sjednicu u 11,55 sati

SEKRETAR USTAVNOPRAVNE
KOMISIJE

dr. Zijad Hasić

PREDSJEDAVAJUĆI
USTAVNOPRAVNE KOMISIJE

Ivo Miro Jović